

Na osnovu člana 16. stav 2. a u vezi sa članom 3. stav. 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 115. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), te člana 2. stav (2) Odluke o privremenom upravljanju poslovnim prostorijama („Službene novine Zeničko-dobojskog kantona“, broj: 7/18 i 10/21), na prijedlog Službe za zajedničke poslove, Vlada Zeničko-dobojskog kantona, na 147. sjednici, održanoj dana 25.03.2022. godine, d o n o s i

ODLUKU

o dodjeli poslovnih prostorija na privremeno korištenje

Član 1.

(Predmet Odluke)

Ovom odlukom dodjeljuje se na privremeno korištenje Ministarstvu za obrazovanje, nauku, kulturu i sport Zeničko-dobojskog kantona, poslovni prostor koji se nalazi u poslovnoj zgradi na adresi Masarykova 37 u Zenici, uknjižen u Zemljišno-knjižnom uredu Općinskog suda u Zenici na Zeničko-dobojski kanton – Ministarstvo finansija, ukupne površine 854,49 m², spratnost: prizemlje i tri sprata, u kojima je ranije bilo smješteno Kantonalno tužilaštvo Zeničko-dobojskog kantona.

Član 2.

(Uslovi za dodjelu poslovnih prostorija na privremeno korištenje)

Poslovni prostor iz člana 1. ove odluke dodjeljuje se na privremeno korištenje bez naknade i u zatečenom stanju.

Član 3.

(Regulisanje međusobnih prava i obaveza)

Finansijska sredstva za primjenu ove odluke, kada su u pitanju redovni ili vanredni troškovi sanacije, adaptacije i održavanje predmetnog poslovnog prostora i sl., te plaćanja redovnih troškova naknada za komunalne usluge, vode, telefona, odvoza otpada, grijanja, električne energije i drugih troškova vezanih za korištenje dodjeljenog poslovnog prostora, obavezno je obezbijediti i plaćati Ministarstvo za obrazovanje, nauku, kulturu i sport - kao privremeni korisnik poslovnog prostora u narednom periodu.

Član 4.

(Realizacija)

Za realizaciju ove odluke zadužuju se Ministarstvo za obrazovanje, nauku, kulturu i sport i Služba za zajedničke poslove Zeničko-dobojskog kantona, svako u okviru svoje nadležnosti.

Član 5.

(Stupanje na snagu)

Ova odluka stupa na snagu danom donošenja i biće objavljena u „Službenim novinama Zeničko-dobojskog kantona“.

Broj: 02-19-4984/22
Datum, 25.03.2022. godine
Zenica

PREMIJER
po ovlaštenju

Spahija Kozlić

DOSTAVLJENO:
1x Služba za zajedničke poslove,
1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1 x a/a